

სატენდერო განცხადება

ტენდერის ტიპი	ერთეტაპიანი ელექტრონული ტენდერი
შემსყიდველი	შპს „თბილისის სატრანსპორტო კომპანია“
დაფინანსების წყარო	2015 წლის საკუთარი შემოსავლები
შესყიდვის სავარაუდო ღირებულება	19' 000 ლარი
სატენდერო წინადადება წარმოდგენილი უნდა იყოს	დღგ-ის გათვალისწინებით
კლასიფიკატორის (CPV) კოდი და კლასიფიკატორის დანაყოფი 50500000	
კლასიფიკატორის (CPV) კოდი და შესყიდვის კონკრეტული ობიექტი 50532200	
შეთავაზების ფასის კლების ბიჯი	380 ლარი



ელექტრონული ტენდერის საშუალებით

წევის ტრანსფორმატორის (№3) აღდგენის მომსახურების (CPV 50532200)

სახელმწიფო შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ.თბილისი

2015 წ.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადსმული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენის ან ისეთი სატენდერო წინადადების წარმოდგენის შემთხვევაში, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - ინგა ხვედელიძეს ტელ: (+995 32) 2-35-77-77 (1601) ელ. ფოსტა: IKhvedelidze@metro.ge. მის: ქ. თბილისი, ვაგზლის მოედანი №2.

2. ტექნიკური დოკუმენტაცია

- 2.1 **შესყიდვის ობიექტი**
 - 2.1.1 შესყიდვის ობიექტს წარმოადგენს - ელექტრონული ტენდერის საშუალებით - **წვეის ტრანსფორმატორის (№3) აღდგენის მომსახურების** სახელმწიფო შესყიდვა.
 - 2.1.2 გასაწევი მომსახურების ტექნიკური მახასიათებლები განისაზღვრება სატენდერო დოკუმენტაციის დანართი №1-ის შესაბამისად.
- 2.2 **მომსახურების გაწევის ვადა და ადგილი**
 - 2.2.1 მომსახურების გაწევის ვადა: სახელმწიფო შესყიდვის შესახებ ხელშეკრულების გაფორმების თარიღიდან არაუგვიანეს 40 (ორმოცი) კალენდარული დღე.
 - 2.2.2 მომსახურების გაწევის ადგილი - ქ. თბილისი, ქეთევან წამებულის №2.
- 2.3 **სატენდერო წინადადების ღირებულება**
 - 2.3.1 სატენდერო წინადადების ღირებულება და პრეტენდენტის მიერ წარმოსადგენი მომსახურების ხარჯთაღრიცხვა განისაზღვრება სატენდერო დოკუმენტაციის დანართი №1-ის შესაბამისად.
 - 2.3.2 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევ მომსახურებასთან დაკავშირებული ყველა გადასახადისა და გადასახდელის ჩათვლით.
 - 2.3.3 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.
- 2.4 **ანგარიშსწორების პირობები**
 - 2.4.1 ანგარიშსწორება განხორციელდება უნაღდო ანგარიშსწორების ფორმით ლარში, ხელშეკრულებით ნაკისრი ვალდებულების სრულად შესრულების შემდეგ.
 - 2.4.2 ანგარიშსწორება მოხდება 2015 წლის საკუთარი შემოსავლებით.
 - 2.4.3 ანგარიშსწორება განხორციელდება 5 (ხუთი) სამუშაო დღის განმავლობაში, ხელშეკრულებით ნაკისრი ვალდებულების სრულად შესრულების შემდეგ გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე.
 - 2.4.4 წინასწარი ანგარიშსწორება (ავანსი) არ გამოიყენება.
- 2.5 **საგარანტიო ვადები**
 - 2.5.1 გაწეული მომსახურებისა და მომსახურებისათვის საჭირო საქონლის საგარანტიო ვადა უნდა შეადგენდეს აღდგენილი **წვეის ტრანსფორმატორის (№3)** ექსპლუატაციაში გაშვების შესახებ შედგენილი დოკუმენტის გაფორმების თარიღიდან არანაკლებ 24 (ოცდაოთხი) თვეს.
 - 2.5.2 საქონელი (რითაც განხორციელდება შესაბამისი მომსახურება) უნდა იყოს სრულიად ახალი (არ უნდა იყოს ექსპლუატაციაში ნამყოფი).
 - 2.5.3 მიმწოდებელი ვალდებულია შემსყიდველის მიერ წერილობითი მოთხოვნიდან 10 (ათი) კალენდარული დღის ვადაში განახორციელოს წუნდებული მომსახურების გამოსწორება, შემსყიდველის მხრიდან რაიმე დამატებითი დანახარჯის გაწევის გარეშე.

2.6 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატვირთი დოკუმენტაცია

- 2.7.1 სატენდერო დოკუმენტაციით გათვალისწინებული დანართი №1 – (წევის ტრანსფორმატორის (№3) აღდგენის მომსახურების ხარჯთაღრიცხვა). აღნიშნულ დანართში პრეტენდენტის მიერ მითითებულ უნდა იქნას სატენდერო წინადადების ფასი (როგორც სიტყვიერად, ისე ციფრებით), გასაწევი მომსახურების ერთეულის და საერთო ღირებულება დღგ-ის ჩათვლით,) ამავე დანართით გათვალისწინებული მოთხოვნების შესაბამისად.
- 2.7.2 მომსახურების ტექნიკური დავალება (დანართი №2).
- 2.7.3 სატენდერო დოკუმენტაციით გათვალისწინებული დანართი №3 (მომსახურების გაწევისა და საგარანტიო ვადები) ამავე დანართით გათვალისწინებული მოთხოვნების შესაბამისად.
- 2.7.4 სატენდერო დოკუმენტაციით გათვალისწინებული დანართი №4 (პრეტენდენტის რეკვიზიტები), ამავე დანართით გათვალისწინებული მოთხოვნების შესაბამისად.
- 2.7.5 პრეტენდენტმა სატენდერო დოკუმენტაციასთან ერთად ერთიან ელექტრონულ სისტემაში უნდა ატვირთოს ტექნიკური დოკუმენტაციის 2.8.2 ქვეპუნქტით გათვალისწინებული ინფორმაცია, ანალოგიური მომსახურების გაწევის შესახებ, აღნიშნულის დამადასტურებელი დოკუმენტ(ებ)ის წარმოდგენით.

2.8 დამატებითი ინფორმაცია

- 2.8.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს, ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11- მე-14 პუნქტებით განსაზღვრული წესები.
- 2.8.2 პრეტენდენტს უნდა გააჩნდეს უკანასკნელი 4 (ოთხი) წლის განმავლობაში ანალოგიური მომსახურების განხორციელების გამოცდილება, რომელიც ჯამურად უნდა შეადგენდეს არანაკლებ 100 000 (ასი ათასი) ლარს და რომლის დამადასტურებელი დოკუმენტები - გაფორმებული ხელშეკრულება და მისი შესაბამისი მიღება-ჩაბარების აქტი, ატვირთული უნდა იქნას ერთიან ელექტრონულ სისტემაში.
- 2.8.3 იმ შემთხვევაში, თუ პრეტენდენტი ვერ წარმოადგენს აღნიშნულ დოკუმენტებს ან/და არ გააჩნია შესაბამისი გამოცდილება, განხორციელდება მისი დისკვალიფიკაცია სატენდერო პროცედურიდან.

3. ხელშეკრულება სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული იქნება ხელშეკრულებას, როგორც მისი განუყოფელი ნაწილი

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაგზის მოედანი №2), წარმოდგენილი - გენერალური დირექტორის ალექსანდრე ჯაფარიძის სახით (შემდგომში „შემსყიდველი“) და მეორე მხრივ, _____ (იურიდიული მის: _____) წარმოდგენილი - _____ სახით (შემდგომში „მიმწოდებელი“) შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA_____).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“)- შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 წვეთის ტრანსფორმატორის (№3) აღდგენის მომსახურების ხარჯთაღრიცხვა (დანართი №1);
 - 1.3.2 მომსახურების ტექნიკური დავალება (დანართი №2);
 - 1.3.3 მომსახურების გაწევისა და საგარანტიო ვადები (დანართი №3);
 - 1.3.4 პრეტენდენტის რეკვიზიტები (დანართი №4).
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ _____ (შემდგომში „მომსახურება“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: -----.
- 2.3 გასაწევი მომსახურების დასახელება, ზომის ერთეული, რაოდენობა და ერთეულის ფასი განისაზღვრება დანართი №1-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №1-ის შესაბამისად და შეადგენს ----- (--- -----) ლარს.
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ის ჩათვლით.

4. მომსახურების გაწევის ვადა და ადგილი

- 4.1. მიმწოდებელი მომსახურების გაწევას განახორციელებს -----, სახელმწიფო შესყიდვის შესახებ ხელშეკრულების გაფორმების დღიდან არაუგვიანეს ----- დღის ვადაში.
- 4.2 მომსახურების გაწევასთან დაკავშირებულ ხარჯებს (მათ შორის საჭიროების შემთხვევაში ტრანსპორტირების) ანაზღაურებს მიმწოდებელი.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში „ინსპექტორების ჯგუფი“).
- 5.3 ინსპექტორების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული მომსახურების გაწევის ვადების დაცვას;
 - 5.3.2 დაადგინოს გაწეული მომსახურების ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი და უზრუნველყოს გაწეული მომსახურების მიღება.

6. მომსახურების საგარანტიო პირობები და ვადები

- 6.1 მიმწოდებელი იძლევა გარანტიას, რომ გაწეული მომსახურება და საქონელი (რომლითაც განხორციელდება შესაბამისი მომსახურება) იქნება სრულიად ახალი და ხარისხიანი.
- 6.2 მიმწოდებელი იძლევა გარანტიას, რომ გაწეული მომსახურებისა და მომსახურებისათვის საჭირო საქონელის საგარანტიო ვადა შეადგენს აღდგენილი წვეთის ტრანსფორმატორის (№3) ექსპლუატაციაში გაშვების შესახებ შედგენილი დოკუმენტის გაფორმების თარიღიდან არანაკლებ 24 (ოცდაოთხი) თვეს.
- 6.3 მიმწოდებელი ვალდებულია შემსყიდველის მიერ წერილობითი მოთხოვნიდან 10 (ათი) კალენდარული დღის ვადაში განახორციელოს წუნდებული მომსახურების გამოსწორება, შემსყიდველის მხრიდან რაიმე დამატებითი დანახარჯის გაწევის გარეშე.

- 6.4 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.5 შემსყიდველს ორგანიზაციას უფლება აქვს უარი განაცხადოს წუნდებული მომსახურების მიღებაზე.

7. მომსახურების მიღება-ჩაბარების წესი

- 7.1 მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დგება ხელშეკრულების დანართი №1 გათვალისწინებული მომსახურების სრულად მიწოდების დასრულების შემდეგ.
- 7.4 მომსახურების მიღება და საბოლოო შემოწმება ხდება მომსახურების გაწევის ადგილზე.
- 7.5 მომსახურების მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორების პირობები და ვადები

- 8.1 ანგარიშსწორება განხორციელდება უნაღდო ანგარიშსწორების ფორმით ლარში, ხელშეკრულებით ნაკისრი ვალდებულების სრულად შესრულების შემდეგ, მიმწოდებლის საბანკო რეკვიზიტებზე.
- 8.2 ანგარიშსწორება განხორციელდება 5 (ხუთი) სამუშაო დღის განმავლობაში, ხელშეკრულებით ნაკისრი ვალდებულების სრულად შესრულების შემდეგ გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღგ-ის გადამხდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე.
- 8.3 წინასწარი ანგარიშსწორება (ავანსი) არ გამოიყენება.
- 8.4 შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 8.5 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 ხელშეკრულების მე-4 პუნქტით გათვალისწინებული მომსახურების გაწევის ვადების დარღვევის შემთხვევაში, მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს გაწეული მომსახურება;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისგან გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში, შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ხარისხიანი მომსახურება;
- 9.5.2 მომსახურების გაწევა განახორციელოს წინამდებარე ხელშეკრულების მე-4 პუნქტის, დანართი №1-ის და დანართი №2-ის შესაბამისად;
- 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არცერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
- 11.1.1 მხარეთა წერილობითი შეთანხმებით;
- 11.1.2 ხელშეკრულების ვადის გასვლის გამო;
- 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
- 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
- 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
- 11.2.4 მიმწოდებლის გაკოტრების შემთხვევაში;

11.2.5 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.1% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია წინამდებარე ხელშეკრულების მე-4 პუნქტით განსაზღვრული მომსახურების გაწევის ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს გასაწევი მომსახურების ღირებულების 0.1% ყოველი ვადაგადაცილებული დღისათვის.
- 12.4 თუ მიმწოდებელი საგარანტიო ვადის პერიოდში არ განახორციელებს წუნდებული მომსახურების გამოსწორებას, ხელშეკრულების 6.3 პუნქტის შესაბამისად, დაეკისრება პირგასამტეხლოს სახით ხელშეკრულების მთლიანი ღირებულების 0.1 % ყოველი ვადაგადაცილებული დღისათვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და ა.შ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მომსახურებელ მხარეებთან.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს -----წლის ----- ჩათვლით (-----
-----) გარდა ამ ხელშეკრულების მე-6 პუნქტისა.
- 16.2 ხელშეკრულების მე-6 პუნქტი ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები:

„შემსყიდველი“

შპს „თბილისის სატრანსპორტო კომპანია“
საიდენტიფიკაციო ნომერი: 202886788
იურიდ. მის: ქ. თბილისი, ვაგზლის მოედანი № 2
ტელ: (995 32) 2 93 50 50.
სს საქართველოს ბანკი
ა/ა GE32BG000000127527201; ბანკის კოდი: BAGAGE22

„მიმწოდებელი“

საიდენტიფიკაციო ნომერი: _____
იურიდ. მის: _____
ტელ: (995 32) _____.

ა/ა _____; ბანკის კოდი: _____

წევის ტრანსფორმატორის (№3) აღდგენის მომსახურების ხარჯთაღრიცხვა

„___“ _____ 2015 წ.
(შევსების თარიღი)

_____ წევის ტრანსფორმატორის (№3) აღდგენის მომსახურებას გადავანაწილებ (_____) ლარად.
(პრეტენდენტის დასახელება) (თანხა ციფრებით) (თანხა სიტყვიერად)

მომსახურების ხარჯთაღრიცხვა ერთ უჯრედზე					
N	დასახელება	განზ. ერთ.	რაოდ.	ერთ. ფასი	სულ თანხა
1	ტექნოლოგიური მოწყობილობის - სადეგაზაციო დანადგარის, ვაკუუმტუმბოების, მშრალი ჰაერის კომპრესორის, გამაცხელებელის და ზეთის ავზების (სასურველია არანაკლებ 6 ტ-იანი) და სხვა დამხმარე მოწყობილობების მომსახურების ადგილზე მიტანა.	ერთ.	1		
2	ტექნოლოგიური მოწყობილობის უზრუნველყოფა სტაბილური ძაბვით (0,4 კვ, 100კვტ) და წყლით ტუმბოების გაციებისათვის.	ერთ.	1		
3	სახანძრო უსაფრთხოების დაცვისათვის შესაბამისი ღონისძიებების გატარება, მომსახურების მოედნის განათების მოწყობა.	ერთ.	1		
4	ტექნოლოგიური მოწყობილობების გამოცდა, გამოცდის წინ მათი და ზეთის ტექნოლოგიური ავზების დამიწება.	ერთ.	1		
5	ტრანსფორმატორში და მის ძაბვის რეგულირების გადამრთველში (რპნ) არსებული სატრანსფორმატორო ზეთების ანალიზების ჩატარება.	ერთ.	1		
6	ტრანსფორმატორის გაცხელება გრაგნილის ტემპერატურის საქარხნომდე მიყვანით და ტრანსფორმატორის კომპლექსური გაზომვების ჩატარება.	ერთ.	1		
7	ტრანსფორმატორის ზედაპირის გარეცხვა, ზეთის ჟონვის ადგილების დადგენის მიზნით ტრანსფორმატორის ავზის დაწნეხვა.	ერთ.	1		
8	გაზური რელეს, თერმოსიგნალიზატორის და სხვა ელ.მოწყობილობების გაზომვები და გამოცდები.	ერთ.	1		
9	ჰაერის შემწრობის შეკეთება, სილიკაგელის შეცვლა და მონტაჟი, რეზინის შუასადებების შეცვლა, მაჩვენებელ მინაში ინდიკატორული სილიკაგელის ჩაყრა.	ერთ.	1		
10	ტრანსფორმატორის ავზის დაცლა (5ტ) ზეთისაგან შესაბამისი ტექნოლოგიური პროცედურის დაცვით, ტექნოლოგიური და დასამატებელი ზეთის შემოტანა, მისი დამუშავება, საჭირო პარამეტრამდე მიყვანა.	ერთ.	1		
11	ტრანსფორმატორის ავზის ვაკუუმირება და გამოცდა ჰერმეტიულობაზე, არსებული ჟონვების აღმოფხვრა, რეზინის შუასადებების შეცვლა.	ერთ.	1		
12	10კვ. იზოლატორების დემონტაჟი, გაწმენდა, წინასწარ რეზინის შუასადებების შეცვლა.	ერთ.	1		
13	რადიატორების გარეცხვა და შემოწმება დაწნეხვით, რეზინის შუასადებების შეცვლა.	ერთ.	1		
14	კაბელების, მეტალოკლავის, მომჭერების კარადის შემოწმება.	ერთ.	1		
15	ვენტილების და ზეთის ჩამკეტების დემონტაჟი, რეზინის შუასადებების და „სალნიკების“ შეცვლა ტრანსფორმატორზე და „რპნ“-ზე.	ერთ.	1		
16	გაზური რელეს გაწმენდა, გამოცდა, მონტაჟი, თერმოსიგნალიზატორების (2ც) შეკეთება, მათი გამოცდა და მონტაჟი.	ერთ.	1		
17	გამომფრქვევი მილის დემონტაჟი, რეზინის საფენების შეცვლა, მისი გამოცდა, მინის შეცვლა.	ერთ.	1		
18	ტრანსფორმატორის მომზადება აქტიური ნაწილის ასაწვად, ამ მიზნით უნდა ჩატარდეს სახურავის და ყველა კვანძის დემონტაჟი, სატრანსპორტო მომჭერების გათავისუფლება და ამწეს საშუალებით აქტიური ნაწილის ამოღება.	ერთ.	1		
19	დამიწების კონტურების შეკეთება ტრანსფორმატორში, მათი გაზომვები. კონტაქტორის გაწმენდა-დამუშავება, საიზოლაციო კვანძების გამოცდა აწეული ძაბვით, მათი შრობა და წრიული დიაგრამის გადაღება.	ერთ.	1		

20	ტრანსფორმატორის გრაგნილების და მაგნიტოგამტარის დაწნეხვა, ჰიდრავლიკური დომკრატების საშუალებით, ან ხელით, შესაბამისი საპასპორტო მონაცემების ტექნოლოგიური ნორმატივების და გრაფიკული მახასიათებლების გამოყენებით. ელ.გაზომვების ხელახლა ჩატარება.	ერთ.	1		
21	ტრანსფორმატორის ძირის დაცლა ჭუჭყიანი ზეთისაგან, მისი გაწმენდა, აქტიური ნაწილის ჩადგმა ავზში, სატრანსფორმატორო მომჭერების გადაჭერა, სახურავის რეზინის შეცვლა და მისი მონტაჟი იზოლატორების და ყველა მაკომპლექტებული კვანძის აწყობა, ტრანსფორმატორის სრული მონტაჟი, მისი გერმეტიზაცია და შემოწმება ჰერმეტულობაზე, ტრანსფორმატორის ვაკუუმირება 24 საათის განმავლობაში.ტრანსფორმატორის შევსება წინასწარ მომზადებული სატრანსფორმატორო ზეთით სახურავიდან 25-30 სმ სიმაღლეზე.	ერთ.	1		
22	ტრანსფორმატორის გრაგნილების შემოშობის ტექნოლოგიური პროცესის ჩატარება, ტრანსფორმატორის საიზოლაციო მახასიათებლების და სატრანსფორმატორო ზეთის საჭირო პარამეტრამდე მიყვანამდე.	ერთ.	1		
23	ტრანსფორმატორის შემოშობის ტექნოლოგიური პროცესის დამთავრების შემდეგ ტექნოლოგიური სქემის დემონტაჟი, ტრანსფორმატორის მონტაჟი, რადიატორების და სხვა მაკომპლექტებული ნაწილების მონტაჟი. ყველა რეზინის შუასადებების შეცვლა. მილების გადამის ადგილებში საფენების შეცვლა, გამაფართოებლის მონტაჟი. ტრანსფორმატორის შემოწმება ჰერმეტულობაზე.	ერთ.	1		
24	წინასწარ გამზადებული, სათანადო კონდიციამდე მიყვანილი დასამატებელი ცხელი ზეთით ტრანსფორმატორის ნელ-ნელა შევსება. ზეთის შევსების პროცესში უწყვეტად მიმდინარეობს ზეთის დეგაზაცია. ტრანსფორმატორის შევსების შემდეგ ხდება გამაფართოებლისა და ტრანსფორმატორის დაკავშირება გაზური რელეს საშუალებით და ზეთით შევსება საჭირო დონეზე.	კომპ	1		
25	ტრანსფორმატორის შემოწმება კიდევ ერთხელ ზეთის ჟონვაზე. შესაბამისი გამოცდის ჩატარების საშუალებით.	ერთ.	1		
26	ტრანსფორმატორის გაცხელება საქარხნო ტემპერატურამდე და კომპლექსური გაზომვების ჩატარება. ზეთის სრული ქიმიური ანალიზის ჩატარება.	ერთ.	1		
27	ტექნოლოგიური მოწყობილობების დემონტაჟი, მიმდებარე ტერიტორიის დალაგება და გაწმენდა. მოწყობილობის გატანა.	ერთ.	1		
28	ტრანსფორმატორის კორპუსის გარეცხვა, გაწმენდა, დაგრუნტვა და შეღებვა. უჯრედის კეთილმოწყობა.	ერთ.	1		
29	ტრანსფორმატორის ძალოვანი და მეორადი კომუტაციის წრედების აწყობა. გაწყობის სამუშაოების ჩატარება. უჯრედის მოხრეშვა.	ერთ.	1		
30	ტრანსფორმატორის შეყვანა ექსპლუატაციაში. შესაბამისი ტექნიკური დოკუმენტაციის გაფორმება.	ერთ.	1		
	ჯამი				
	მოგება %				
	ჯამი				
	დღგ 18%				
	ჯამი სულ:				

(პასუხისმგებელი პირის თანამდებობა, სახელი გვარი)

ხელმოწერა

მომსახურების ტექნიკური დავალება

1. საერთო დახასიათება

ტრანსფორმატორი TMHTB-5000/10 დამზადებულია ქ. სვერდლოვსკის ელექტროტექნიკურ ქარხანაში 1966 წელს, ექსპლუატაციაშია 1967 წლიდან.

2. მომსახურებისთვის მოსამზადებელი სამუშაო

- 2.1 ტექნოლოგიური მოწყობილობის - სადეგაზაციო დანადგარის, ვაკუუმტუმბოების, შშრალი ჰაერის კომპრესორის, გამაცხელებელის და ზეთის ავზების (სასურველია არანაკლებ 6 ტ-იანი) და სხვა დამხმარე მოწყობილობების მიტანა მომსახურების ადგილზე;
- 2.2 ტექნოლოგიური მოწყობილობის უზრუნველყოფა სტაბილური ძაბვით (0,4 კვ, 100კვტ) და წყლით ტუმბოების გაციებისათვის;
- 2.3 სახანძრო უსაფრთხოების დაცვისათვის შესაბამისი ღონისძიებების გატარება, მომსახურების მოედნის განათების მოწყობა;
- 2.4 ტექნოლოგიური მოწყობილობების გამოცდა, გამოცდის წინ მათი და ზეთის ტექნოლოგიური ავზების დამიწება;
- 2.5 ტრანსფორმატორში და მის ძაბვის რეგულირების გადამრთველში (რპნ) არსებული სატრანსფორმატორო ზეთების ანალიზების ჩატარება;
- 2.6 ტრანსფორმატორის გაცხელება გრაგნილის ტემპერატურის საქარხნომდე მიყვანით და ტრანსფორმატორის კომპლექსური გაზომვების ჩატარება.

3. მომსახურება

- 3.1 ტრანსფორმატორის ზედაპირის გარეცხვა, ზეთის ჟონვის ადგილების დადგენის მიზნით ტრანსფორმატორის ავზის დაწნეხვა;
- 3.2 გაზური რელეს, თერმოსიგნალიზატორის და სხვა ელ.მოწყობილობების გაზომვები და გამოცდები;
- 3.3 ჰაერის შემშრობის შეკეთება, სილიკაგელის შეცვლა და მონტაჟი, რეზინის შუასადებების შეცვლა, მაჩვენებელ მინაში ინდიკატორული სილიკაგელის ჩაყრა;
- 3.4 ტრანსფორმატორის ავზის დაცლა (5ტ) ზეთისაგან შესაბამისი ტექნოლოგიური პროცედურის დაცვით, ტექნოლოგიური და დასამატებელი ზეთის შემოტანა, მისი დამუშავება, საჭირო პარამეტრამდე მიყვანა;
- 3.5 ტრანსფორმატორის ავზის ვაკუუმირება და გამოცდა ჰერმეტიულობაზე, არსებული ჟონვების აღმოფხვრა, რეზინის შუასადებების შეცვლა;
- 3.6 10 კვ. იზოლატორების დემონტაჟი, გაწმენდა, წინასწარ რეზინის შუასადებების შეცვლა;
- 3.7 რადიატორების გარეცხვა და შემოწმება დაწნეხვით, რეზინის შუასადებების შეცვლა;
- 3.8 კაბელების, მეტალომკლავის, მომჭერების კარადის შემოწმება;
- 3.9 ვენტილების და ზეთის ჩამკეტების დემონტაჟი, რეზინის შუასადებების და „სალნიკების“ შეცვლა ტრანსფორმატორზე და „რპნ“-ზე;
- 3.10 გაზური რელეს გაწმენდა, გამოცდა, მონტაჟი, თერმოსიგნალიზატორების (2ც) შეკეთება, მათი გამოცდა და მონტაჟი;
- 3.11 გამომფრქვევი მილის დემონტაჟი, რეზინის საფენების შეცვლა, მისი გამოცდა, მინის შეცვლა.
- 3.12 ტრანსფორმატორის მომზადება აქტიური ნაწილის ასაწევად, ამ მიზნით უნდა ჩატარდეს სახურავის და ყველა კვანძის დემონტაჟი, სატრანსპორტო მომჭერების გათავისუფლება და ამწეს საშუალებით აქტიური ნაწილის ამოღება. ეს ოპერაცია უნდა განხორციელდეს მზიან ამინდში, ატმოსფერული ტენიანობა არაუმეტეს 75%, რათა თავიდან იქნას აცილებული ტრანსფორმატორის გრაგნილების ზედმეტად დატენიანება;
- 3.13 დამიწების კონტურების შეკეთება ტრანსფორმატორში, მათი გაზომვები. კონტაქტორის გაწმენდა-დამუშავება, საიზოლაციო კვანძების გამოცდა აწეული ძაბვით, მათი შრომა და წრიული დიაგრამის გადაღება;
- 3.14 ტრანსფორმატორის გრაგნილების და მაგნიტოგამტარის დაწნეხვა, ჰიდრაულიკური დომკრატების საშუალებით, ან ხელით, შესაბამისი საპასპორტო მონაცემების ტექნოლოგიური ნორმატივების და გრაფიკული მახასიათებლების გამოყენებით. ელ. გაზომვების ხელახლა ჩატარება.
- 3.15 ტრანსფორმატორის ძირის დაცლა ჭუჭყიანი ზეთისაგან, მისი გაწმენდა, აქტიური ნაწილის ჩადგმა ავზში, სატრანსფორმატორო მომჭერების გადაჭრა, სახურავის რეზინის შეცვლა და მისი მონტაჟი იზოლატორების და ყველა მაკომპლექტებული კვანძის აწყობა, ტრანსფორმატორის სრული მონტაჟი, მისი გერმეტიზაცია და შემოწმება ჰერმეტიულობაზე, ტრანსფორმატორის ვაკუუმირება 24 საათის განმავლობაში. ტრანსფორმატორის შევსება წინასწარ მომზადებული სატრანსფორმატორო ზეთით სახურავიდან 25-30 სმ სიმაღლეზე;
- 3.16 ტრანსფორმატორის გრაგნილების შემშრობის ტექნოლოგიური პროცესის ჩატარება, ტრანსფორმატორის საიზოლაციო მახასიათებლების და სატრანსფორმატორო ზეთის საჭირო პარამეტრამდე მიყვანამდე;
- 3.17 ტრანსფორმატორის შემშრობის ტექნოლოგიური პროცესის დამთავრების შემდეგ ტექნოლოგიური სქემის დემონტაჟი, ტრანსფორმატორის მონტაჟი, რადიატორების და სხვა მაკომპლექტებული ნაწილების მონტაჟი. ყველა რეზინის შუასადებების შეცვლა. მილების გადაბმის ადგილებში საფენების შეცვლა, გამაფართოებლის მონტაჟი. ტრანსფორმატორის შემოწმება ჰერმეტიულობაზე;
- 3.18 წინასწარ გაზადებული, სათანადო კონდიციაში მიყვანილი დასამატებელი ცხელი ზეთით ტრანსფორმატორის ნელ-ნელა შევსება. ზეთის შევსების პროცესში უწყვეტად მიმდინარეობს ზეთის დეგაზაცია. ტრანსფორმატორის შევსების შემდეგ ხდება გამაფართოებლისა და ტრანსფორმატორის დაკავშირება გაზური რელეს საშუალებით და ზეთით შევსება საჭირო დონეზე;
- 3.19 ტრანსფორმატორის შემოწმება კიდევ ერთხელ ზეთის ჟონვაზე, შესაბამისი გამოცდის ჩატარების საშუალებით;
- 3.20 ტრანსფორმატორის გაცხელება საქარხნო ტემპერატურამდე და კომპლექსური გაზომვების ჩატარება. ზეთის სრული ქიმიური ანალიზის ჩატარება;
- 3.21 ტექნოლოგიური მოწყობილობების დემონტაჟი, მიმდებარე ტერიტორიის დალაგება და გაწმენდა. მოწყობილობის გატანა;
- 3.22 ტრანსფორმატორის კორპუსის გარეცხვა, გაწმენდა, დაგრუნტვა და შეღებვა. უჯრედის კეთილმოწყობა;
- 3.23 ტრანსფორმატორის ძალოვანი და მეორადი კომუტაციის წრედების აწყობა. გაწყობის სამუშაოების ჩატარება. უჯრედის მოხრეშვა;
- 3.24 ტრანსფორმატორის შეყვანა ექსპლუატაციაში. შესაბამისი ტექნიკური დოკუმენტაციის გაფორმება.

მომსახურების გაწევისა და საგარანტიო ვადები

მომსახურების გაწევის ვადა:

- მომსახურების გაწევის ვადად განისაზღვრება სახელმწიფო შესყიდვის შესახებ ხელშეკრულების გაფორმების თარიღიდან არაუგვიანეს - ----- კალენდარული დღე.

მომსახურებისა და მომსახურებისათვის სჭირო საქონლის საგარანტიო ვადა:

- გაწეული მომსახურებისა და მომსახურებისათვის სჭირო საქონლის საგარანტიო ვადა უნდა შეადგენდეს, აღდგენილი წვეის ტრანსფორმატორის (№3) ექსპლუატაციაში გაშვების შესახებ შედგენილი დოკუმენტის გაფორმების თარიღიდან არანაკლებ ----- თვეს.
- საგარანტიო პერიოდში მიმწოდებელმა წუნდებული მომსახურების გამოსწორება უნდა განახორციელოს შემსყიდველის მიერ წერილობითი მოთხოვნიდან არაუმეტეს 10 (ათი) კალენდარული დღის ვადაში.

შენიშვნა:

- პრეტენდენტმა უნდა მიუთითოს მომსახურების გაწევის კონკრეტული ვადა ტექნიკური დოკუმენტაციის 2.2 პუნქტის 2.2.1 ქვეპუნქტის შესაბამისად.
- პრეტენდენტმა უნდა მიუთითოს გაწეული მომსახურების კონკრეტული საგარანტიო ვადა ტექნიკური დოკუმენტაციის 2.5 პუნქტის 2.5.1 ქვეპუნქტის შესაბამისად.

(პასუხისმგებელი პირის თანამდებობა, სახელი გვარი)

ხელმოწერა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო/ პირადი ნომერი:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

პრეტენდენტის საკონტაქტო ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(პასუხისმგებელი პირის თანამდებობა, სახელი გვარი)

ხელმოწერა